



# AVANNAATA KOMMUNIA

Innarluutillit pillugit politikki

2022-2025

# Indhold

Siulequt.....	2
Aallaqqaasiut .....	2
Takorluugaq.....	3
<b>Innuttaasoq qitiutillugu .....</b>	<b>6</b>
Innuttaasunik peqataatitsineq .....	6
Suliat akimorlugit tamakkiisumik isiginnilluni suliamik isumaginninneq: .....	6
Innarluutilinnut siunnersuisoqatigiit .....	7
Suliamut piginnaasat .....	7
Anguniakkat.....	7
<b>Nammineerluni inuunermik ukkassilluarneq.....</b>	<b>8</b>
Tapiiffiqineqarnissamut periarfissat.....	8
Ineqarneq .....	8
Paasissutissiineq .....	9
Anguniakkat.....	9
<b>Peqataatitsineq inuunerinnerlu .....</b>	<b>10</b>
Tikkuminassuseq.....	10
Suliffeqarneq .....	10
Ilinniarneq.....	11
Anguniakkat.....	11

## Siulequt:

Politikkimi matumani aallaavigalugu kissaataavoq kommunimi innuttaasut tamarmik, qanorluunniit inissimagaluarunik, imaqqortuumik inuuneqassasut qaffasissumik pitsaassusilimmik. Innarluutilinnut politik-kimi matumani Avannaata Kommuniani piffissami 2022-2025 innarluutillit pillugit suliniuteqarniarnermi sinaak-kutissat takusassiarineqarput. Politikkeqarnermi siunertaavoq, innuttaasut kommunimilu sulisut akornanni suleqatigiinneq pitsaasumik toqqammavississallugu, taamatullu aamma suliasaqarfiup iluani sulinermi sulianik isumaginninnermi, aaqqiisarnerni suliniuteqarnermilu. Politikkilu aamma atuutissaaq suliasaqarfimmi sulisunut aalajangiisartunullu najoqqutassiatut. Inuit innarluutillit pillugit suliasaqarfiup iluani iliusissanik pilersaarummik suliaqartoqarumaarpoq.

Politikkimi aallaavigineqarpoq kommunip pilersaarutitut periusissiaa 2020. Taamatutaaq toqqammavigine-qarpoq FN-ip innarluutillit pillugit isumaqatigiissusiaa, Inuit innarluutillit tapersorsorneqarnissaannut Inatsisartut inatsisaat nr. 13., 21. juni 2019-imeersoq, ilitsersuuta ilanngullugu, kiisalu Angerlarsimaffimmi ikiorteqartitsisar-neq pillugu Namminersornerullutik Oqartussat nalunaarutaat nr. 32, 26. juli 1994-imeersoq, ilitsersuuta ilan-ngullugu.

Taamatutaaq innarluuteqarneq pillugu ilisimasat nutaat ilisimatusarnerlu najoqqutassarsiorfigineqarsimapput innarluutillit pillugit politikkip suliarineqarnerani.

Politikki pingasunut immikkut ukkatarineqartussanut aggornilerneqarsimavoq, aggornerillu iluini aamma immik-koortotaaralersorneqarsimalluni, quppernerit tulliini itisilerneqartussanik.

Taakku immikkut ukkatarineqartussat ukuupput:

- Innuttaasoq qitiutillugu
- Nammineq inuunermik ukkassilluarneq
- Peqataatitsineq inuunerinnerlu

## Aallaqqaasiut:

Innarluuteqarnerup iluani kommunip innuttaasut sullissai assigiingitsorpasuarunik innarluuteqarput, taamatullu assigiingitsunik pisariaqartitsillutik. Sullinneqartussat tamakku imatut allaaserineqarput: "inunnut innarluutilinnut Kalaallit Nunaanni najugaqartunut, ataavartumik timikkut, tarnikkut, silassoris-sutsikkut imaluunniit malugisaqarsinnaanikkut piginnaanikillimasasut, aporfiillu assigiingitsut sunniivige-qatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut." (Inuit innarluutillit tapersorsorneqarnissaannut Inatsisartut inatsisaat nr. 13, 21. juni 2019-imeersumi § 6).

Avannaata Kommuniata innuttaasut innarluutillit siunnersuineramik, ilitsersuineramik tapersersuinermillu neqe-roorfigai peqatigitillugulu kommunip suliniutigalugu innuttaasut innarluutillit inuiaqatigiinni peqataanissamin-nut eqqortunik periarfissaqarnissaat.

Isumalerujussuuvoq qulakkiissallugu, tapersersuineq ikiuinerlu aallartinneqartut, innuttaasup pisariaqartitaanit aallaaveqarnissaat. Innuttaasut innarluuteqaralarunilluunniit, sapinngisartik naapertorlugu, periarfissaqartariaqarput namminneq nukiminnik periarfissaminnillu atuinnissaminnut. Tusaaneqartutut peqataatinneqartutullu misigisimasariaqarput inuiaqatigiinni, sulianik ingerlatsisuni isumassuisunilu imminnut tunngasunik aalajangersaasoqartillugu.

Innuttaasut innarluuteqarnertik apeqqutaatinnagu, sapinngisamik qulakkeerunneqassapput allat piginnaati-taaffiisa periarfissaasalu assignik, makku pineqartillugit, nammineq inuunerisamut akisussaaffeqassallutik, qini-gassinneqassallutik inuiaqatigiinnilu sunniuteqaqataassallutik. Tunngavissikkumallugu innuttaasut innarluute-qartut inuunertik pillugu qanorlu inooriaaseqarnissartik pillugu namminneerlutik aalajangersinnaanissaat, taa-matullu sapinngisamik nammineerlutik inuunerminnik ingerlatsisinnaanissaat, innarluuteqarnermut tunnga-tillugu piginnaatitaaffiit periarfissallu pillugit qaammarsaavigineqarlutillu paasisitsiniaaffigineqarnissaat ukka-tarinqassaaq.

Kommunip suliniutigissavaa suliassa qarfiup immikkoortinneqarnani isumagisassanut allanut peqataasutut isigineqarnissaa tunngaviummik sorlanitseqqullugu.

Tamanna isumaqarpoq, Kommunip isumagissagaa, politikkilliornermi, pilersaarusionerme allaffissornikkullu in-gerlatsinerme politikkeqarfinni tamani innarluuteqarnerup ilanngullugu eqqarsaatigineqartarnissaa. Taamatut tunngaveqarluni sulinerup inuit innarluutillit misigisissavai peqataatinneqarnermik annerusumik, aammalu Avannaata Kommuniani innuttaasut ineriartortinneqarneranni peqataanissaminnut pitsaanerusumik periarfis-saqalernerannik.

Inuttut ineriartornissamut inuiaqatigiinnilu peqataatinneqartutut misigisimaneq pingaarutilerujussuuvoq inuup pitsaasumik inuuneqarnissaanut imminullu naleqartittutut misiginissaanut. Taamaattumik isumalerujussuuvoq inuiaqatigiinni periarfissat ima aaqqissuunneqarsimanissaat, innuttaasunit innarluuteqarnertik apeqqutaatinnagu peqataaffigineqarsinnaassallutik. Taamatullu pingaaruteqartigaaq innuttaasut innarluuteqarneq pillugu ilisimasaqanngitsut qaammarsaavigissallugit, timikkut tarnikkullu innarluuteqarluni inuuneq pillugu, inuiaqati-giinni assigiinngisitsisinnaaneq annikillisarumallugu.

Kommunip aallaavigaa innuttaasut innarluuteqartut kommunimi sumi najugaqarnertik apeqqutaatinnagu assigiimmik periarfissaqarnissaat. Issittumiinneq, illoqarfinni nunaqarfinnilu ataasiakkaani periarfissat atugas-saritataasullu tamatigut isiginiarneqartarput, nutaanik suliassanik aalajangiisoqalersillugu. Isumalerujussuuvoq aaqqiissutiginiakkat najukkani ataasiakkaani pisariaqartinneqartunut naapertuunnissaat, aammalu kommuni tamakkerlugu pisariaqartitsineq matumani eqqarsaatigalugu.

## Takorluugaq:

Kommunip innarluuteqarnerup tungaatigut takorluugaraa, inuit innarluutillit allat assigalugit inuiaqatigiinni periarfissaqarnissaat. Innuttaasut namminneq nukissatik iluaqutigalugit inuunermillu sapinngisamik annerpaa-

mik nammineerfiusumik periarfissaqarnissaat annertusarneqassaaq, tamatumani ilanngullugu innuttaasut innarluutillit inuiaqatigiinni inuiaqatigiillu assigiinngitsutigut ataatsimoorfissarpassuini peqataasinnaanissaat.

Innarluuteqarnerup iluani Avannaata Kommuniata suliniutigerusuppaa innuttaasut suleqatigisallu akornanni piujuartussanik attaveqaqatigiittoqarnissaa, inunnut tarnikkut timikkullu innarluutilinnut iluaqutaasumik.

## Innuttaasoq qitiutillugu

---

### Innuttaasunik peqataatsineq:

Innuttaasup innarluutillip eqqortumik ikiorneqarnissaa tapersorneqarnissaalu qulakkeerniarlugit suliamik isumaginninneq innuttaasup sapinngisaa unammilligassaasullu aallaavigalugit ingerlanneqassaaq. Innuttaasup kommunillu akornanni suleqatigiinneq naligiiffiusumik ataqpeqatigiiffiusumillu pissaaq. Innuttaasumik oqaloqateqarneq pingaaruteqarpoq, suleqatigiinnermullu isumalerujussuuvog innuttaasup tusarnaarneqartutut paasineqartutullu misigisimanissaa. Innuttaasoq sapinngisamik annerpaamik kiffaangissuseqarluni inuunissaminut piginnaatitaavoq. Innuttaasup nammineq inuunerminut akisussaaqataanerata aqutissiuunnissaa pingaartuuvog, inuuneranut inooriaasianullu aalajangeeqataatinneratigut. Anguniarneqassaaq innuttaasut innarluutillit namminiussuseqartutut inatsisitigullu illersugaasutut suliamik isumaginnittumik naapitsinermi imminnorpiaq tunngasuni ikiorsiiniermi siunnersorneqassallutik, iltersorneqassallutillu piginnatitaaffitik periarfissatillu kommunimiit allaninngaaniilluunniit, ikiorneqarnissamik tunngasutigut. Aaqqiissutisat ikiorsiinissallu pineqartumut naapertuutissapput. Nalilersuinerni aalajangiinernilu innuttaasup isumai ilaatinneqassapput, kiisalu isumaginninnermi suliassani ilisimasat inatsisillu nutaanerpaat tunngavigineqassallutik.

Innuttaasup qanigisai attaveqarfiilu innuttaasup inuunerani pingaaruteqakkajupput. Innuttaasup kissaateqarnera naapertorlugu taakku suliamik isumaginninnerup ingerlanerani suleqataasussaapput pingaarutillit, kiisalu kingusinnerusukkut innuttaasumut ikiorsiissut eqqarsaatigalugu. Qanigisaasuniit innuttaasup toqqissisimaneq, pisariaqartitaminik oqariartuuteqarnermini tapersorneqarneq pissarsiarisinnaavaa, kissaatit inuunermilu angorusutat ilanngullugit.

### Suliat akimorlugit tamakkiisumik isiginnilluni suliamik isumaginninneq:

Innuttaasut innarluutillit amerlapput assigiinngitsunut attaveqarlutillu assigiinngitsuniit arlalinnit ikiorsiissutiniq pissarsisartut. Isumalerujuuvog ikiorsiissutit ataqatigiissaakkamik tamakkiisumillu isiginnilluni tunniunneqartarnissaat, tamanna innuttaasumut paasiuminernerussaaq. Avannaata Kommuniata kissaatigaa innuttaasoq pillugu suliap ingerlanneqarnera ikiorserniarneqarneralu tamakkiisumik isiginnilluni isumagineqassasoq. Tamanna anguniarlugu pisariaqarpoq kommunip avataatigut sullissisut assigiinngitsut innuttaasumik aamma sullissiniartut suliaqarfitik akimorlugit suleqatigiinnissaat. Innuttaasumut pingaartuuvog misigissallugu sullinneqarneq suleqatigiiffiusumik ataqatigiissaakkamillu ingerlanneqartoq, tamannami aamma pineqartumut pitsaannerusumik sunniuteqaqataasinnaammat.

Suliaqarfiit akimorlugit tamakkiisumillu isiginnilluni sullissinermi ilanngullugu eqqarsaatigineqassaaq, innuttaasup inuunermini nikeriarfiit pingaarutillit eqaatsumik akornuteqanngitsumillu ikaarsaariarfigisassagai, nammineq qanigisaasullu toqqissisimanissaat pillugu, soorlu meeraanermiit inersimasunngornerminut, meeqquerivimmiit atuarfimmu, nammineq najukkaminiit najugaqaqatigiiffimmut il.il. Pingaartumik meeraaneraniit inersimasun-

ngorneranut ikaarsaariarfimmi piffissaagallartillugu tamakkiisumik isiginnilluni pilersaarusiunneqarsimanissaa pingaaruteqarpoq, sapinngisamik namminiussuseqarluni inersimasuunissaa siunissaqarnissaalu pillugit.

### Innarluutilinnut siunnersuisoqatigiit:

Kommuni inuit innarluutilit tapersorsorneqarnissaannut Inatsisartut inatsisaat nr. 13, 12. juni 2019-imi § 69 naapertorlugu Inunnut innarluutilinnut siunnersuisoqatigiinik pilersitsissaaq. Inunnut innarluutilinnut siunnersuisooqatigiit ilaasortaataat katitigaassapput inuit innarluutilit peqatigiiffiit kommunalbestyrelsimilu

### Anguniakkat:

- Innuttaasut innarluutilit sapinngisaat aallaavigalugit peqataatinneqassapput, aalajangiisoqartillugu taassuma inuunera inuunermillu ingerlatsinera pillugit.
- Suliamik isumaginninnermi innuttaasup qanigisaasa attaveqaataasalu peqataatinneqarnissaat, tamanna innuttaasup kissaateqarnera naapertorlugu.
- Suliamik isumaginninnerit ataqtigiissaagaallutillu tamakkiisumik isiginninneq toqqammavigalugu ingerlanneqartut innuttaasut misigisinnaassavaat, innuttaasullu inuunerani pingaarutilinnik erseqqissisitsisuussallutik.
- Suliassamik isumaginninnermi suliassaqrarfiit akimorlugit sulinissaaq eqqarsarnissarlu.
- Innuttaasumut suliniutaasut imminnut ataqtigiinnissaat.
- Inunnik innarluutilinnik sullissinnermi suliaqartut suliament atillugu pisariaqartunik piginnaasaqarnissaat.
- Innarluutilit peqatigiiffiit suleqateqarnerup nukittorsarnissaa.

soqutigisat amerlaqtigiissillugit. Kommunip kissaatigaa inuit innarluutilit peqatigiiffii suleqatiginerulerlugillu attaveqarfiginerulernissaat, kommunimi inunnut innarluutilinnut tunngasuni aalajangersaasoqartillugu innuttaasut innarluutilit nipaataat ersarinneruleqqullugu. Siunnersuisoqatigiit attaveqaataassapput innuttaasut, inuit innarluutilit peqatigiiffiisa, pisortaqrarfiit aamma kommunalbestyrelsim akornanni. Siunnersuisoqatigiit suliassaraat siunnersuisuussalluni suliniuteqarnernilu aallartitseqataasartussaassalluni innarluutilit pillugit apeqqutini pisortaqrarfiit naalackersuinikkullu suliassaqrarfiit akimorlugit.

### Suliamut piginnaasat:

Inunnut innarluutilinnut suliassanik isumaginnittut suliassarpasut, ilaatigut amerlasooriarlutik oqimaassinnaasqisut, innuttaasooq qitiutillugu suliarsinnaassappatigit, suliassanut piginnaaneqarlunnartuusariaqarput inunnik perorsaannermut isumaginninnermullu tunngasutigit. Pisariaqarnera periarfissaqarneralu naapertorlugu sulisunik ilitsersuinerneq ilinniaqqinnissamullu periarfissanik assigiinngitsunik qaffasissusillinnik assigiinngitsunillu imalinnik kommunip neqerooruteqartassaaq. Kommuni suliffigissallugu kajuminnartuusaaq, sulisussarsiornerlu pillugu sulisooreersunillu piginnaasaqarlunnartunik tigumminiinnarsinnaaneq siunertaralugu periusissiorortoqassalluni, (Kommunimi periusiorluni pilersaarusiornissamut atillugu). Kiisalu qulakkeerinnittoqassaaq, sulianik isumaginninnermi isumassuinermillu suliaqarnermi isumaginninnermut suliassat aamma

perorsaanermi ajornartorsiutaasinnaasut pillugit ulluinnarni sulisut siunnersorneqarnissamik, isumasioqate-  
qarnissamik ilitsersorneqarnissamillu periarfissaqarnissaat.



## Nammineerluni inuunermik ukkassilluarneq

---

### Tapiiffigineqarnissamut periarfissat:

Innuttaasut innarluutillit innarluuteqarnertik pillugu piginnaanikillisimasut illuatungiliivigineqassapput, sapinngisamik namminneq kiffaangissuseqarlutik inuuneqarnissamut, namminneq atukkatik periarfissatillu iluaqutigalugit.

Avannaata Kommuniani kissaatigaa toqqavississallugu, innuttaasup innarluutillip peqataatinneqarluni nammineerluni inuunermik nuannarisaaqarluni ukkassilluarsinnaanissaa, innuttaasup eqqortumik siunnersorneqarneratigut, ilitserorneqarneratigut piffissarlu eqqortoq atorlugu ikiorserneqarneratigut. Ikiorssiinissamut periarfissat qaffasissumik pitsaassuseqassapput, innuttaasullu ineriartorneranik pisariaqartitaasalu allanngornerinik malinnaasuussallutik.

Anguniarneqassaaq perorsaanerup inunnillu isumaginninnerup tungaatigut sullissineq pinaveersaartitsinermik alimasissumillu isiginninnermik ukkassinertaqassasut, pinngitsoortinniarlugu isumaginninnerup, timikkut tarnikkullu ajornartorsiutit tungaatigut nutaanik pilersoqarnissaa, imaluunniit atugaareersunik ajornerulersoqarnissaa.

Innarluuteqarneq pillugu politikkiliornermut atatillugu ikiorssiarnerni ataasiakkaani pitsaassutsikkut ileqqorineqartussat suliarineqassapput, taamaalilluni innuttaasut innarluutillit ikiorserneqarnissamik periarfissaannik piginnaatitaaffiinillu erseqqissaavigineqassallutik, ilanngullugulu ikiorserneqassagaanni suut piumasaaqaataannersut.

### Ineqarneq:

Pingaartorujussuuvoq ineqariaatsit innuttaasunut innarluutilinnut kommunimit neqeroorutigineqartut pineqartunut pisariaqartitaannullu naleqqussarsimaneqarnissaat. Kommunip anguniarpaa periarfissaalersikkumallugu nnuttaasut innarluutillit namminerisaminnik angerlarsimaffiminniiginnarusuttut tamarmik periarfissaqalernissaat. Tamanna inunnut amerlanerpaanut inuunerissuunissaq eqqarsaatigalugu isumalerujussuuvoq, toqqissimaffigisamik avatangiiseqarnissaq, najugaqarfik ilisarimasaaq, qanigisat attaveqarfigisartakkallu qanillugit.

Nammineq najugarisami inuuneq inuunermillu ingerlatsineq nammineq sapinngisaaq aallaavigalugu periarfissarineqassaaq innuttaasumullu innarluutilimmut ataqqinartumik. Taamaammat pisariaqarpoq eqqortumik ikiorssiisoqarnissaa, atortorissaruteqarnissaa, ilaatigullu najugarisamik allanngortitsisoqartarnissaa, taamaaliornikkut innuttaasooq ikorfartorusullugu inuunini nammineerfigalugu nuannersumik imaqartumillu atugaqarsinnaaq-qullugu.

Ikorsiinermi angerlarsimaffigisaq naammattumik pitsaassuseqalersinneqarsinnaanngippat kommunip najugaqarfissamik allamik neqerooruteqassaaq, innuttaasup pisariaqartitsineranut aningaasatigullu periarfissaqarneranut naapertuuttumik.

Kommunenip najugaqarfissatut periarfissai allat najugaqaqatigiiffiillu inerisarneqartuartariaqarput inuiaqatigiit pisariaqartitaannut naapertuussarneqarlutik.

### Paasisutissiineq:

Innuttaasut innarluutillit piginnaatitaaffii, pinaveersaartitsineq peqqinnerulernissarlu siunertaralugu suliniutit pillugit qaammarsaaneq paasisitsiniaanerlu inerisarneqassapput annertusarneqarlutillu, inuiaqatigiit akornanni, kisianni aamma sulianik isumaginninnerni ataasiakkaani. Anguniarneqassaaq paasisitsiniaanermi qaammarsaanermilu innarluuteqarluni inuunerup qanorlu kinguneqartarnera pillugu innuttaaqataasut tungaannut annertusarneqarnissaa, taamaaliornikkut paasisimasaqarneq annerulerseqqullugu assigiinngisitsinerlu annikinnerulersillugu, inuiaqatigiinni inuit ataatsimoorfiini assigiinngitsuni.

### Anguniakkat:

- Innuttaasut innarluutillit sapinngisamik nammineq inuuneqarnissamut sapinngisamillu qaffasittumik pitsaassusilimmik inuuneqarnissamut eqqortumik siunnersorneqarlutillu, ilitersorneqarlutillu taper-sorneqassapput.
- Suliamik isumaginninnermi pinaveersaartitsineq alimasissumillu isiginnineq eqqarsaatigineqassapput.
- Tapiiffigineqarsinnaanermut periarfissat pillugit sullissinermi pitsaassutsikkut ileqqussanik suliaqartoqarumaarpoq.
- Innuttaasut amerlanerpaat, namminerisaminnik angerlarsimaffiminniiginnarumasut tamatumingga periarfissaqartinnissaat.
- Innuttaasut innarluutillit innarluuteqarnerup iluani piginnaatitaaffitik periarfissatillu ilisimassagaat.
- Innuttaasut innarluutillit innarluuteqarnertik pissutigalugu assigiinngisitaasutut immikkoortinnet qartutullu misigitinneqassanngitsut.
- Innuttaaqataasut allat innarluuteqarluni inuuneq pillugu paasisimasaqarnerulernissaat.

## Peqataatitsineq inuunerinnerlu

---

### Tikkuminassuseq:

Avannaata Kommuniata kissaatigaa, kommuneqarfiup iluani illoqarfinni nunaqarfinnilu inuuttaasut tamarmik periarfissaqassasut peqataanissamut inuiaqatigiinnullu pilersueqataanissamut. Inuit katersuffiini namminerlu soqutigisat ukkannissaannut periarfissaqassaaq. Inuit innarluuteqarnertik pissutigalugu mattuteqqappata tamanna timikkut eqqarsartaatsikkullu kingunerluuteqartitsisinnaavoq. Inuit akornanniinneq toqqammaviliisusarpoq inuttut ineriartornissamut, inuttut peqqissuunissamut inuunerissaarnissamullu.

Taamaattumi tamanna ilaatigut pissutigalugu pingaartuuvoq kommunip illuutaasa, timersornermut kulturimullu atatillugu ornittagaataasa innuttaasunit innarluutilinnit tikikkuminartuutinneqarnissaat. Siunissami sanaartugassat eqqarsaatigalugit innarluutillit kommunip ilanngullugit eqqarsaatigisariaqarpai, sanaartukkallu pioreersut tikikkuminarsarlugit, taamaaliornikkut innuttaasut innarluutillit pisoqarfiusumik imartuumillu inuuneqarnissaat annertusarumallugu.

Tikkuminassuseq aamma digitalimik attaveqarnissamut tikikkuminassusermiippoq. Kommuni periarfissanik digitaliusunik nutaanik pilersitsigaangat innarluutillit ilanngullugit eqqarsaatigineqartassapput, qulakkeerniarlugu tamakku innarluutilinnit pisariitsumik atorneqarsinnaanissaat.

### Suliffeqarneq:

Suliffeqarneq inunnut amerlasuunut inuttut naleqarnerulernermik inuunerullu siunertaqarneranik misigisitsisarpoq. Suliffeqarfimmi ataatsimoorfiusumi peqataatitaanermik misigineq imminut pitsaasumik paasinnilersitsisarpoq, nuannaanermik inuunerinnermillu. Suliffeqarnikkut inuiaqatigiinnut akulerusimasutut misiginissamut aqquataavoq pingaarutilik, suliffeqarnerullu tungaatigut sulisut assigiinngissuseqarnerisigut nukit-torsaaneq pisarpoq tamatuma pitsaaqutai tamaasa ilanngullugit. Innuttaasut innarluutillit amerlanerusut suliffeqarfimmiinnissaat aamma aqquataasinnaavoq innuttaasut innarluutillit atugaasa innuttaaqataasunit paasisasaqarfiginerulernissaannut. Tamatumattaq malitsigisinnaavaa assigiinngisitsinerit immikkoortitsiniartarnerillu ikinnerulerneri.

Innuttaasut innarluutillit nukinnik piginnaasanillu suliffeqarfinnit iluaqutigineqarsinnaasunik pigisaqarput, taamaattumillu Avannaata Kommuniata kissaatigaa innarluutillit amerlanerusut suliffeqarnikkut akuutinneqarnerulernissaat.

Avannaata Kommuniata innuttaasooq innarluutilik, innuttaasut ataasiakkarlugit pisariaqartitaat periarfissaallu sapinngisamik aallaavigalugit suliassaqartittussaavai.

Aaqqiissutissat pitsaasut suliffeqarnissamullu periarfissat nassaariumallugit kommunip innuttaasut, namminer-sortut Majoriarlu suleqatigerusuppai.

Inuit innarluutillit nalinginnaasumik periarfissat tunngavigalugit sulilersinnaanerminnik periarfissaqanngitsut periarfissat allat aqquqatigalugit sulilersinneqarsinnaanerat qulaajarneqartassaaq, soorlu najugarisami suliffeqarfinni piginnaanngorsarnikkut aamma flexjob aqquqatigalugit. Tamatuma saniatigut sannavinni illersugaasuni suliffeqarfinilu illersugaasuni sulinermut piunasaqaatit naapertuussakkat tunngavigalugit suliffissaannik neqeroorfigineqartassapput.

Inuit innarluutillit suliffissaannik neqeroorfiginerisa saniatigut susassaqtinnissaannik ataatsimoorfissaqartar-nissaannillu neqeroorfigineqassapput inoqatinik ataatsimooqateqarsinnaanerat susassareqateqarsinnaanerallu periarfissaqaqqullugu.

### Ilinniarneq:

Meeqqat inuusuttullu ilinniagaqarnissaat kommuni immikkut akisussaaffeqarpoq. Ilinniagaqarnerup sinnattut piviusunngortittarpai periarfissallu ammaattarlugit, kinaassuseqarnermullu isumalerujussuulluni inuunerissaar-nissamillu tunisisuulluni. Meeqqat inuusuttullu innarluutillit piginnaatitaapput pitsaasumik ilinniagaqarnissamut, tassani ilinniagaqarsinnaanermut allallu naligalugit ataatsimooqatigiiffigninnissaasaminnik. Kommunip ilinniar-fiutai atuartitsinermik, periarfissanik atortorissaarutinillu neqerooruteqassapput, meeqqat inuusuttullu iluatsit-siffiusumik ilinniagaqarnermik ingerlatsisinnaanera periarfissillugu. Ilinniarsimasunik sulisussaaleqineq anner-tusiarortillugu inuiaqatigiinni ilinniagaqarsimassuseq isumaqartinneqarnerulersussaavoq. Innuttaasut innar-luutillit nukissarpassuaqarput, ilinniartitaaneq aqquqatigalugu suliffeqarfinni pingaarutilinnik piginnaasaqalernis-samut.

### Anguniakkat:

- Innuttaasooq innarluutilik Kommuni kiffartuussinissamik neqeroorutinut allat naligalugit periarfissaqassaaq.
- Innuttaasooq innarluutilik ilinniagaqarnissamut suliffeqarnissamullu periarfissaqassaaq.
- Innuttaasut innarluutillit aaqqiissuussanut peqatigineqarnissamillu neqeroorfigineqassasut.
- Innuttaasut innarluutillit eqqortumik tapersorsorneqassapput, allat assigalugit inuiaqatigiinni peqataanissaminnut soorlu timersornermi kulturimilu pisuni.
- Kommunip illuutai periarfissarititaalu allat innuttaasunit innarluutilinnit iserfigineqarsinnaasaria-qarput.